

欽定四庫全書

普濟方卷一百三十五

傷寒門

陰陽毒

論

明周王朱橚撰

大陰毒盛而陽暴絕則為陰毒若陽毒盛而陰暴絕則為陽毒大凡陰陽離絕非大汗不能復其正氣也六脈俱洪大或沈取之大而不甚疾者非陰證也陽毒其脈

當弦而洪數陰毒其脈沈細而疾陽病則身熱而無汗  
陰病則身冷而有汗岐伯云陽勝則身熱腠理閉喘麤  
為之俛仰汗不出而熱陰勝則身寒汗出數慄而寒寒  
則厥此證不可以常法治之金匱論陽毒之為病面赤  
斑斑如錦文咽喉痛吐膿血五日可治七日不可治陰  
毒之為病面目青身疼狀如被打咽喉痛死生與陽毒  
同 三因云病者頭重頸直皮肉強痺或蠱而結核起  
於喉頸之側布熱毒於皮膚分肉之中上散如髮際下

貫顛顛隱隱而熱不相斷離病名黃肉隨以四季各十  
八戊巳日其病從太陽陽明相格寒濕不調關節格滯  
若膈虛則皮肉強痺若臟實則布毒熱於皮膚又云病  
者裏熱外寒意欲守火而反引飲腰痛欲折或胸脇切  
痛類如刀刺不得轉動熱膨膨服冷多則洞瀉病名黑  
骨瘟以冬三月源從足太陽少陰相搏蘊積壅塞若膈  
虛為陰毒所傷則裏熱外寒若臟實為陽毒所損則膨  
膨發熱又云病者發熱腰痛強急腳縮不伸胷中欲折

目中生花或濇濇增寒復熱頸中雙筋牽不得屈伸項直背強眼赤黃欲轉動合自回側病名青筋牽者由春三月其源從厥陰涉足少陽少陽之氣始發少陰之氣始衰陰陽拂鬱於膝理腑臟受厲而生若腑虛則為陰邪所傷故發熱若臟實則為陽毒所傷故增寒又云病者脈足身顛掉不能禁或肉熱口乾舌破咽塞聲嘶病名赤脈攢者以夏三月其病從少陰太陽之氣相搏而停則榮衛不通皮肉痛起太陽發動少陰淫邪之氣因

而作厲則臟腑隨時受疫病也若腑虛則陰邪所傷則寒戰若臟實為陽毒所侵則肉熱矣

方

治青筋牽 三因方 鮑氏方 肝腑臟溫病陰陽毒膽腑虛為邪陰

所傷腰脇強急脚縮不伸胗中欲折目中生花色蒼

蒼者

芫胡 去苗 五兩 茯苓 梔子仁 半夏 湯洗 大青 各三兩

桂心 竹茹 香豉 甘草

右吹咀每服五錢水二盞薑五斤煎七分去滓空心  
溫服

又方

三因方  
鮑氏方

肝臟腑溫病陰陽毒肝臟實為陽毒所傷

瀉瀉惡寒翕翕發熱頸外雙筋牽不得屈伸項直背強

眼赤黃轉動則合身回側色蒼蒼者

元參

一兩

細辛

二兩

梔子仁

黃芩

升麻

各三

石膏

煨八兩

右剉散每服五錢水二盞入車前草三葉淡竹葉七

片煎七分去滓空心服

治赤脈攢

三因方  
鮑氏方

心腑臟溫病陰陽毒若腑虛為陰邪

所勝脈促身顛掉不能禁色昏赤者

茯苓

人參

桔梗

甘草

白芷

青皮

各一兩  
乾薑  
炮半

右剉散每服五錢匕水二盞煎七分去滓食前服

又方

三因方  
鮑氏方

心腑臟溫病陰陽毒心臟實則為陽毒所

傷內熱口乾舌破咽塞聲嘶色焦赤者

天門冬去心 麥門冬去心 車前子炒 梔子仁 黃芩

升麻 甘草炙 寒水石煨各等分  
勻到為散

右剉散每服五錢水二盞煎七分去滓食前服

治黃肉隨三因方  
鮑氏方 脾腑臟溫病陰陽毒胃腑虛則為陰

邪所傷頭重頸直皮肉強痺腹脹色黃黑者

厚朴姜製炒  
一兩半 白朮 陳皮各一  
半 乾薑炒 紫蘇

甘草炙 半夏湯洗各  
三分

右剉散每服五錢水二盞煎七分去滓食前服

又方三因方  
鮑氏方 脾腑臟溫病陰陽毒臟實為陽毒所傷蘊

熱結核起於喉頸之側布毒氣於皮膚分肉之中散入

髮際下貫顛顛蓄熱不散色黃者

葛根 蒼朮湯  
沒 升麻 白芷 桔梗 青皮各一  
兩

大黃半  
兩

右剉散每服五錢水二盞煎七分去滓食前服

治白氣狸三因方  
鮑氏方 肺腑臟溫病陰陽毒大腸腑虛為陰

邪所傷寒熱互作上氣欬逆大腸滯泄色皓皓白者

白朮 人參各一兩 乾薑炮 麥蘗炒各三分 白茯苓

五味子 肉苳蔻 草菓 烏梅 甘草炙已上兩

右判散每服五錢水一盞半煎七分去滓食前服

又方三因方 鮑氏方 肺腑臟溫病陰陽毒臟實為陽毒所傷體

熱肌膚發斑氣喘引飲色昏白者

紫苑茸一兩 梔子仁 升麻 前胡各三分 石膏煨半兩

葶藶炒一分 杏仁去皮尖 甘草炙各半兩

右判散每服五錢水二盞煎七分去滓食前服

治黑骨瘟三因方 鮑氏方 腎腑臟溫病陰陽毒膀胱腑虛為陰

邪所傷裏熱外寒煩渴引飲反喜守火或腰脇滿痛

小便赤黃而與脚俱黑

附子炮去皮臍 茯苓各一兩 山茱萸 細辛 山藥

澤瀉各半兩 麻黃三分 杏仁去皮尖一分

右判散每服五錢水二盞煎七分去滓食前服

又方三因方 鮑氏方 腎腑臟溫病陰陽毒腎臟實為陽毒所傷

腰脇切痛不得轉動大小便秘澀小腹脹食冷則洞泄

色熏黑者

吳茱萸 黑牽牛炒 桃仁去皮 草薢 杜仲去皮

汁製炒 大黃蒸各  
絲斷 等分

右剉散每服五錢水二盞煎七分去滓食前服

治肝腑臟溫病陰陽毒頸背雙筋牽先寒後熱腰強急

縮目中生花出千  
金方

桂心一兩 白朮 芒硝 大青 梔子各三兩 柴胡五兩

石膏 生薑各八兩 生地黄 香豉各一兩

右咬咀以水九升煮取三升分三服

治心腑臟溫病陰陽毒戰掉不定驚動出千  
金方

大青 黃芩 梔子 知母 芒硝各三兩 麻黃四兩

元參六兩 石膏 生葛根各八兩 生地黄切一兩

右咬咀以水九升煮取三升去滓下芒硝分三服

治脾腑臟溫病陰陽毒頭重頸直皮肉痺結核隱起出千

金方

大青 羚羊角 升麻 射干 芒硝各三兩 梔子

四  
寒水石 六兩  
元參 八兩

右咬咀以水七升煮取三升分三服

治肺腑臟溫病陰陽毒咳嗽連續聲不絕嘔逆 出千金方

麻黃 梔子 紫菀 大青 元參 葛根 各三兩

桂心 甘草 杏仁 前胡 各四兩 石膏 八兩

右咬咀以水九升煮取三升分三服

治腎腑臟溫病身面如刺腰中欲折熱毒內傷 出千金方

茵陳蒿 梔子 芒硝 各三兩 苦參 生葛 各四兩 生

地黃 石膏 各八兩 蔥白 豉 各一升

右咬咀以水九升煮取二升半下硝分三服

大交泰丹 治陰陽二毒傷寒或因下早亡陽或致結

伏胃膈四肢厥冷脈息俱無心燥如火或因冷物傷

脾夾臍注痛生硬入胃中滿痞塞及發潮熱并治翻

胃噦逆霍亂吐瀉小腸瘕癖脇力氣痛但是陰陽不

順惡候傷寒並治之每服一粒炭火內煨通赤良久

取出放冷細研如粉米飲一盞煎至七分溫服不拘

時隔半時辰再服甚効兼治小兒瘡疹倒壓依法服  
半粒丹愈

金星石 銀星石 代赭石 太陰元精石 雲

母石 白色成片者 禹餘糧石 桂府滑石 各一兩 寒水石

吉州者 不灰木 色青黑性軟者一兩

右同入瓷瓶子內炭火半秤煨火耗一半取出放冷  
研為細末糯米粥為丸如彈子大候乾依前法服寒  
水石南人謂之軟石膏

一方加麥飯石 一兩

歸魂散 聖濟總錄 治陰陽二毒不省人事

石膏 八兩 寒水石 四兩 附子 炮製去皮三兩 陽起石 三兩同石膏寒

水石三味搗細研為末和入新礮內煨一伏時出紙鋪地出火毒入四味藥 乾薑 炮 麻

黃 去節各一兩 杏仁 二七枚去皮尖雙仁炒研

右搗研令勻瓷盒盛冷水調下二錢

霹靂散 一名黑散子 治陰隔陽煩躁不飲水

用附子一枚炮熱取出用冷灰焙細研入真騰茶二

大錢和勻為細末每服分作二服水一盞煎至六分  
臨熟入蜜半匙放溫或冷服之須臾躁止得睡汗出  
即差

黑龍丹 治陰陽二毒傷寒

用船上硫黃一兩以柳木槌研三兩日巴豆一兩和  
殼記筒數用二升鐺子一口先安硫黃鋪鐺底次安  
巴豆又以硫黃蓋之醃醋半升已來澆之盞子蓋合  
令緊密更以濕紙周回固濟縫勿令透氣縫紙乾更

以醋濕之文武火熬常著人守之候裏面巴豆作聲  
數已半為度急將鐺子離火便入臼中急搗令細再  
以少米醋并蒸餅少許再搗令冷可丸如鷄頭大若  
是陰毒用椒四十九粒蔥白二莖水一盞煎至六分  
服一九陽毒用豆豉四十九粒蔥白二莖水一盞同  
煎吞一九不得嚼破患經五六日方可服之食前喫  
切在度其病勢可下即與雖及日數病未傳入或未  
及其日病先在臍亦不可拘執矣有孕婦人亦許服

或吐或瀉為候不可喫熟食或覺心頭空以溫白粥  
 或服調氣湯散補之欲辨陰陽二毒之病者但始得  
 病唯看手足指冷者是陰不冷氣和者是陽若冷至  
 指二三寸者病輕若冷至肘膝為病難理陰陽毒病  
 亦無常也或初病便有毒或服藥經五六日以上或  
 十餘日後不差變成其毒者其候身重背強咽喉痛  
 飲食不下毒氣攻心心腹煩疼氣促四肢厥逆嘔吐  
 體如被打面目青而體冷者陰證也陽毒則不然面

目赤身壯熱或便膿血喉疼生斑點如錦者是也合  
 時忌婦人猫狗見

破證奪命湯 治陰陽二毒傷寒證候不明下藥錯誤  
 致患人困重垂死七日以後十日以來可服此傳者  
 云千不失一只一服不踰時見効汗自鼻上出儘是

應 方見傷寒  
門雜治類

丹砂圓 出活  
人書 治傷寒陰陽二毒相伏危惡形證

硝石 半  
兩 陽起石 舶上硫黃 水銀 太陰元精

石各一兩

右為末先用無油銚子以文武火炒下諸藥末令一如灰色研如粉麩生薑自然汁浸蒸餅為丸如菉豆大每服五丸龍腦牛黃生薑蜜水下壓躁也若陽毒棗湯下陰毒荏湯下不得於屋底炒一方無陽起石

奪命丹 出王氏博濟方 治陰陽二毒氣衝心

朱砂 二兩 金箔 八十片 膩粉 半兩 芭豆 八十筒紙裹出油 黃蠟 二兩

右為末煉蠟為丸如雞頭大如有患者以膩粉一錢

米飲一盞調下如人行一里已來其藥動下惡物如藥在其中取出掘一地坑埋三伏時取出除却上面黑物以麝香裏養之如更用時擘為兩處重為丸一粒可療五七人神聖之功卒難序述

青蒿散 治陰陽二毒傷寒及肢體疼痛

右用青蒿八九月候成實多採去枝梗以童子小便浸三兩日漉起酢乾日曝為末每服三錢水一盞烏梅一箇同煎七分溫服

陰毒論

夫陰氣獨盛陽氣暴衰陽為陰所勝內外皆陰故成陰毒傷寒有初得病便成陰毒者有服湯藥經五六日以上不瘥變成陰毒者以病本屬陰自服寒藥過多或臟腑內外受寒陽氣轉盛陽氣不復所致其候四肢逆冷臍腹脹痛身如被繫嘔吐下痢其脈沈細而疾者是也若陰毒已深疾勢困重六脈附骨取之有按之即無一息八至已上或不可數宜用葱熨法灼艾法傷寒初病

一二日便結成陰毒或服藥六七日已上至十日變成陰毒身重背強腹中絞痛咽喉不利毒氣攻心心下堅強短氣不得息躁渴虛汗或時鄭聲嘔逆下利身如被杖唇青面黑四肢厥冷其脈深細緊數仲景云此陰毒之候五日可治至六七日不可治也陰毒甘草湯主之始得陰毒云陰毒本因腎氣虛寒因慾事或食冷物後傷風內既伏陰外又感寒或先感外寒而伏內陰內外皆陰則陽氣不守遂發頭痛腰重腹痛眼睛疼身體倦

怠而不甚熱四肢逆冷額上及手皆冷汗不止或多煩  
渴精神恍惚如有所失三二日間或可起行不甚覺重  
診之則六脈沈細而疾尺部短小寸口或大關脈浮大  
或沈取之大而不甚疾者非陰證也若服涼藥過多則  
渴轉甚燥轉急有此病證者急服還陽退陰二藥即安  
惟補虛和氣而已宜服正元散退陰散五勝散陰證不  
宜發汗如氣正脈大身熱而未瘥用藥出汗無妨也陰  
毒為病手足冷腰背強臍腹築痛嘔吐下利身如被杖

脈細欲絕此由腎氣虛寒外傷風冷或因冷物傷脾蓋  
脾為太陰內外皆陰則陽氣不守遂成陰毒四肢逆冷  
額上手背冷汗不止或多煩渴精神如失故岐伯曰陰  
勝則身寒汗出身常清數慄而寒寒則厥宜服溫藥以  
復其陽氣或於氣海關元灸之 又陰毒漸深積陰感  
於下則微陽消於上故其候沈重四肢逆冷腹痛轉甚  
或咽喉不利或心下脹滿結硬燥渴虛汗不止或時狂  
言指甲面色青黑六脈沈細而一息七至以來有此證

者速宜於氣海或關元二穴灸三四百壯以手足和煖  
為効仍服金液丹來甦丹玉女散還陽散退陰散 又  
陰毒沈困候云沈困之候與前漸深之候皆同而更加  
困重六脈附骨取之方有按之即無一息八至已上或  
不可數也至此則藥餌難為工矣但於劑中灼艾如半  
棗大三百壯以來手足不和煖者不可治也偶復和煖  
則以前硫黃及熱藥助之若陰氣散陽氣來即漸減熱  
藥而和治之以取差也 詩曰陰毒傷寒身體重背強

眼痛不堪任小腹急痛口青黑毒氣衝心轉不禁四肢  
厥然惟思吐咽喉不利脈細沉若能速灸臍輪下六日  
看過見喜神陰毒身如擊撲然疾沉汗渴痛臍咽身斑  
面赤多煩躁陽毒狂言洪數弦陰氣獨盛陽氣暴絕則  
為陰毒身冷有汗其脈沈細而疾是也沈而右疾者非  
初病遽然而成者有服藥數日變而成者蓋以腎氣極  
損生冷傷脾內已伏陰外又感寒或先感外寒後伏陰  
於內內外皆陰陽氣不守故爾陽氣獨勝陰氣暴絕則

為陽毒身熱無汗其脈弦洪促數是也有初病遽然成者蓋酒麪過多丹砂僭躁腸胃極熱致之或病證屬陽誤投溫藥助熱為邪內外皆陽陰氣不守故爾陰陽二毒皆有頭疼微利之證抑陰用熱抑陽用寒固有條例此二毒隨氣逆上結伏於胸中皆令人心下痛硬非常法所能通也當急作規摹以泄之陰毒泄則陽氣復陽毒泄則陰氣復陰陽升降榮衛流行自然大汗而解矣若心下已結延至六七日間斷不可活外證治法詳於

後篇陰毒外證面目唇爪青黑口開氣短咽喉不利手足厥冷身不甚熱痛重如打撲或數慄而寒頭目俱疼腰重背強毒氣攻心心下堅悶腹中絞痛外腎並臍下冷硬額上及手背間冷汗不止嘔吐下利煩渴陰極發躁精神恍惚言語醒醒聲音鄭重舌上黑色陰病回陽服藥未透亦須外借火氣但無迫脅也生薑並良薑皆能散寒邪發越陽氣亦要藥也陰毒沈細而其疾身冷有汗可與之陰毒甘草湯及白朮附子散正陽散肉桂

散回陽丹返陰丹天雄散正原散退陰散金液散皆可  
選而用之則陽氣復而大汗解其良醫之能精於此用  
藥療證則無不愈矣大師陳北山方訣治陰毒心下結  
伏按之極痛大小便秘溢累日用藥不下但出氣稍暖  
亦可療治急取已豆肉十粒研爛如麪一錢許捻作一  
餅堅實安頓臍心立小艾炷灸五七壯覺腹中鳴良久  
自通利其次用蔥白一束緊扎切作數餅灸冷溫食貼  
於臍下以熨斗火熨其上續又易之漸覺體溫即以五

積散二錢附子末一錢薑七片棗二枚鹽少許水一大  
盞煎七分溫溫服連餅二三劑即汗出而瘡又法以大  
蒜一枚搗研捏作餅子炙熱置於臍心灸十壯大小便  
即通陰毒已深則灸氣海關元二穴以手足和為効仍  
以前項藥濟之若六脈附骨疾勢困甚者臍中用先艾  
後蔥法方訣詳具于前凡治陰毒得陽氣乍復復者皆  
生煩躁切勿誤投涼藥躁甚與返陰丹輩愈陰證太陰  
少陰厥陰皆屬陰證也太陰者脾也少陰者腎也厥陰

者肝也何謂太陰證太陰脾之經主胸膈臍脹甲乙經云邪生於陽者得之風雨寒暑邪中於陰者得之飲食居處陰陽喜怒又曰賊風虛邪者陽受之飲食不節起居不時者陰受之陽受之則入腑陰受之則入臟入六腑則身熱不時上為喘呼入五臟則臍滿閉塞下為飧泄久為腸澼何謂少陰證少陰腎之經主脈微細心煩但欲寐或自利而渴又問經云一二日少陰病者何也謂初中病時腠理寒便入陰經不經三陽也傷寒雖是

三陰三陽大抵發於陽則太陽發於陰則少陰也此二經為表裏其受病最為多陽明太陰受病頗稀至於少陽厥陰肝膽之經又加少焉凡病一日至十二三日太陽證不罷者但至太陽有初得病使見少陰證者直攻少陰亦不必先自太陽次傳而至蓋寒氣入太陽即熱而惡寒入少陰經只惡寒而不發熱也三陰中寒微則理中湯稍厥或中寒下利即乾薑湯手足指頭微寒冷謂之清病有此未可喫四逆蓋疾輕故也只可服理中

乾薑之類大段重者用四逆湯無脈者用通脈四逆湯也何謂厥陰證厥陰肝之經主消渴氣上衝心中疼熱饑不欲食食則吐衄下之利不止也若陰氣獨盛陽氣暴絕則為陰毒其證四肢逆冷臍腹築痛身如被杖脈沈疾或吐或利當急灸臍下服以辛熱之藥令陽氣復而大汗解矣古人云辛甘發散為陽謂桂枝甘草乾薑附子之類能復其陽氣也微用辛甘甚則用辛苦陰極發躁陰證似陽學者當以脈別之

方

附子散 治陰毒傷寒唇青面黑身重背強四肢逆冷

或因服冷藥過度心腹脹滿昏沉不識人一名桂附散

附子三分炮製去皮臍 桂心 白朮 當歸剉微炒各半兩 半夏

湯洗七遍去滑 乾薑炮裂剉 天南星炮製 木香各一分

右搗篩為散每服三錢以水一鍾盞入生薑半分煎

至六分去滓不計時候熱服衣覆取汗如人行十里

未有汗再服

治陰毒傷寒四肢逆冷身體疼痛或時心頭結硬宜服

此方

附子 炮裂去皮臍 白朮 甘草 炙微赤剉 麻黃 去根節已上各一兩 桂

心 半兩 木香 三分

右搗篩為散每服四錢以水一鍾盞入生薑半分煎

至六分去滓不計時候稍熱服衣覆取汗如人行十

里未有汗再服

烏頭散 治陰毒傷寒四肢厥冷脈候沈細心腹脹滿

腹中疔痛咽喉不利偏身疼痛

川烏頭 一兩炮製去皮臍 白朮 赤芍藥 各三分 麻黃 去根節

桂心 枳殼 麩炒微黃去穰 當歸 剉微炒 川椒 去目及閉口者微炒去汗

乾薑 炮製剉已上各半兩

右搗麤羅為散每服五錢以水一大盞入生薑半分

煎至五分去滓不計時候熱服衣覆取汗如人行十

里未有汗再服

麻黃散 出聖惠方 治陰毒傷寒二三日不得汗煩躁

麻黃去根節

防風

去蘆頭各一兩

乾薑

炮製

桂心

川烏頭

炮製去皮

右搗羅為散每服不計時候以熱酒調下二錢衣覆取汗如人行十里未有汗再服

迴陽散

出聖惠方

治陰毒傷寒

川烏頭

炮製去皮臍

益智子

青橘皮

湯浸去白穰焙

桂心

乾薑

炮製到各半兩

麻黃

一兩去根節

右搗為散每服三錢以水一鍾盞入生薑半分煎至

六分去滓不計時候稍熱服衣覆取汗如人行十里未有汗再服

白朮散

出聖惠方

治陰毒傷寒心胸滿悶喘促四肢厥逆

白朮

去粗皮塗生薑汁炙令香熟各一兩

前胡

去蘆頭炮製去皮臍

訶梨勒皮

厚朴

去粗皮塗生薑汁炙令香熟各一兩

桂心

三分

甘草

炙微赤到

五味子

薑

炮製細到各半兩

右搗麤羅為散每服四錢以水一鍾盞煎至六分去滓不計時候稍熱服如人行十里未有汗

再服

天雄散

出活人書

治陰毒傷寒身重背強腹中疝痛咽喉不

利毒氣攻心下堅強短氣嘔逆唇青面黑四肢厥冷

其脈沈細

天雄

炮製去皮臍

肉桂

去粗皮

厚朴

去麁皮塗生薑汁炙令香熟已上各一兩

麻黃

去根節

當歸

剉微炒

白朮

半夏

湯洗七遍去滑各半兩

川

椒

去目并閉口者微炒去汗一分乙學發明用一錢

乾薑

炮製剉三分乙學發明用生薑

陳橘皮

湯浸去白穰焙三分乙學發明用一錢

右搗麁羅為散每服五錢以水一大盞入生薑半分

棗三枚煎至五分去滓不計時候稍熱服如人行十

里未汗再服

吳茱萸散

出聖惠方

治陰毒傷寒迴陽

吳茱萸

湯浸七遍焙乾微炒

麻黃

去根節

肉桂

去皺皮各一兩

厚朴

二兩

去麁皮塗生薑汁炙令香

半夏

湯洗七遍去滑

乾薑

炮製剉

附子

炮製去皮臍各

三白朮

細辛

天南星

炮製

木香

各半兩

右搗篩為散每服五錢以水一中盞入生薑半分煎

至五分去滓不計時候熱服衣覆取汗如人行十里未汗再服

正陽散出活人書治陰毒傷寒面青張口出氣心下硬身不

熱只額上有汗煩渴不止舌黑多睡四肢俱冷

附子一兩炮製去皮臍皂莢一挺去皮塗酥炙令黃色去子乾薑炮製甘

草炙微赤剉各一分麝香一錢細研入

右搗細羅為散每服二錢以水一鍾盞煎至五分不計時候和滓熱服

治陰毒傷寒項背強心神煩宜服此方出聖惠方

麻黃去根節附子炮製去皮臍澤瀉湯洗七遍去滑肉桂

去皺皮甘草炙微赤剉乾蝎微炒乾薑炮製天南星炮製已上各半兩

右搗細羅為散每服二錢以水一鍾盞入生薑半分

棗三枚煎至六分去薑棗不計時候和滓熱服

前胡散出聖惠方治陰毒傷寒四肢厥逆頭痛心躁胸中結

實兩脅妨悶

前胡去蘆頭桔梗去蘆頭各三分檳榔 桂心 木香 當

歸剉微炒

青橘皮

湯洗去白穰各半兩

訶梨勒皮

厚朴去麁皮塗

生薑汁炙令香熟各一兩

右搗散每服四錢水一鍾盞入生薑半分煎至六分

去滓不計時熱服

四逆湯

出聖惠方

治陰毒傷寒脈候沈細四肢逆冷煩躁頭

痛

乾薑

炮製剉

附子

炮製去皮剉

桂心

甘草

白朮肉當

歸

剉微炒已上各半兩

右搗篩為散每服三錢水一鍾盞煎至六分去滓不

計時候稍熱頻服

治陰毒傷寒心間煩躁四肢逆冷宜服此方

名白朮散出活人書

川烏頭

炮製去皮臍

桔梗

去蘆頭

附子

炮製去皮臍

白朮

細

辛

各一兩

乾薑

半兩炮製剉

右搗麁篩為散如患一日兩日者溫酒調下一錢如

是三四日至五日者用藥末二錢以水一鍾盞煎至

六分不計時候稍熱和滓頻服

治陰毒傷寒四肢厥逆胸膈不利宜服此方

附子炮製去皮 乾薑炮製 肉桂去皺皮 人參去蘆頭 赤

茯苓 白朮 木香 五味子 厚朴去蘆皮塗生薑汁炙

令香熟 訶梨勒皮一兩 甘草半兩炙

右搗篩每服四錢以水一鍾盞入生薑半分蔥白一

莖煎至六分去滓不計時候稍熱頻服

肉桂散 治傷寒服冷藥過度心腹脹滿四肢逆冷昏

沉不識人變為陰毒

肉桂去皺皮 白朮 木香 高良薑剉 厚朴去蘆皮

汁炙令香熟各三分 赤芍藥 陳橘皮湯浸去白穰焙 附

子炮製去皮 前胡去蘆頭 當歸剉微炒 人參去蘆頭 吳茱

萸半兩湯浸七遍焙乾微炒

右搗羅為散每服四錢以水一鍾盞入棗三枚煎至

六分去滓不計時候稍熱頻服

人參散 治陰毒傷寒手足逆冷心下煩滿

人參去蘆頭 木香 附子炮製去皮 桂心 乾薑炮製

當歸剉微炒

吳茱萸

湯浸七遍焙乾微炒 檳榔已上各一兩

右咬咀為散每服四錢以水一鍾盞入棗三枚煎至

六分去滓不計時候稍熱服

治陰毒傷寒頭痛四肢不和心膈氣悶宜服此方

附子

炮製去皮臍

乾薑

炮製

陳橘皮

湯浸去白穰焙

桂心

檳

榔已上各一兩

甘草

三兩炙微赤剉

右咬咀為散每服四錢以水一鍾盞入棗子三枚煎

至六分去滓不計時候稍熱頻服

桂心散 治陰毒傷寒項直脚冷百節疼痛

桂心

麻黃去根節

附子

炮製去皮臍各三兩

甘草

炙微赤剉

赤芍

藥

乾薑

炮製剉

枳殼

麩炒黃去穰

杏仁

去皮尖雙入麩炒微黃各半兩

柴胡

一兩去苗

右咬咀為散每服四錢以水一鍾盞入生薑半分煎

至六分去滓不計時候稍熱頻服汗出為度

迴陽丹 治陰毒傷寒面青手足逆冷心腹氣脹脈候

沈細

乾薑一分炮製到 硫黃細研入 萆澄茄 吳茱萸湯洗七遍焙乾

微炒 附子炮製去皮臍 木香 桂心一方去桂心 乾蠍已上各半兩

右搗羅為末酒煮麩糊丸如梧桐子大每服不計時

候生薑湯下三十九頻服一以熱酒一盞投之衣蓋

取汗愈一方丹砂為衣無桂心

正陽懷香丸 治陰毒傷寒四肢逆冷心下痛硬氣欲

絕者

懷香子微炒 附子炮製去皮臍 天南星炮製 硫黃細研 丁香

木香 吳茱萸湯浸七遍焙乾微炒 預知子 桂心已上各一兩

右搗羅為末和研了藥令勻醋煮麩糊丸如彈子大

每服一九研碎炒生薑熱酒下良久煎蔥白艾湯投

之不計時頻服

來蘇丹 治陰毒傷寒一名正陽丸

硫黃 消石 太陰元精石已上各一兩

右都研細於瓷瓶中盛以瓦子蓋瓶口用黃泥固濟

以炭大半斤養令火盡即出之更研入粉用湯浸蒸

餅和丸如梧桐子大每服不計時候熱酒下三九至五九衣蓋取汗

黑聖散 治陰毒傷寒發汗

川烏頭

三箇每箇劈作四片

吳茱萸

六兩湯浸七遍焙乾

右先掘地作一坑子築令淨潔以大火燒赤淨掃去灰後下茱萸次下烏頭安在上面用好醋一大椀旋旋澆入坑子內以盡為度後以瓦盆蓋之待冷取出搗細羅為散每服以生薑熱酒調下一錢汗出立瘥

治陰毒傷寒頭痛心躁手足厥冷宜服此方

用附子一兩炭火內燒令黑色勿令全過取出用盆子蓋之冷細研水磨沉香一分煮稀粥飲不計時候調下二錢衣覆取汗如人行十里未有汗再服

治陰毒傷寒四肢逆冷宜熨之

用吳茱萸一升以酒拌令均濕以熟絹袋二枚盛蒸令極熟取熨脚心候氣通暢勻煖即停熨若以湯煎藥溫洗以接四肢亦可

升麻鼈甲湯出千金方陰毒之為病面目青身痛如被杖咽

喉痛五日可治七日不可治升麻鼈甲湯去雄黃蜀

椒主之

升麻二兩當歸一兩蜀椒炒去汗鼈甲手指大甘草二兩

雄黃半兩研

右以水四升煮取一升頓服之老小再服取汗肘後

千金方陽毒用升麻湯無鼈甲有桂陰毒用甘草湯

無雄黃

陰毒甘草湯一名陽毒治傷寒初得病一二日便結成

陰毒或服藥經旬以上變成陰毒身重背強腹中絞

痛咽喉不利毒氣攻心心下堅強短氣不得息嘔逆

唇青面黑四肢厥冷其脈沈細身如被擊咽喉痛五

六日可治至七日不可治出活人書

甘草炙升麻炙當歸炙各半兩雄黃研一兩桂去麋皮半兩蜀

椒去目及閉口者鼈甲一兩半醋

右除研外剉如麻豆每服五錢用水一盞半煎至八

分去滓溫服如人行五里更進一服溫覆取汗毒當  
從汗出未汗再服千金方無桂雄黃

正陽湯 出聖濟總錄

治陰毒傷寒上氣喘促

附子

炮製去皮臍一兩

桂 去麋皮三分

乾薑

炮半兩

右剉如麻豆大每服五錢用水一盞煎至半盞去滓  
食前溫服之

回陽發表湯

出聖濟總錄

治陰毒傷寒

附子

炮製去皮臍

桂

去麋皮

人參

澤瀉

各半兩

乾薑

炮半

夏

湯洗七遍炒令乾

天南星

炮

甘草

炙各一分

右剉如麻豆大每服三錢取水一鍾盞入生薑半分  
拍碎棗二枚劈破同煎至七分去滓食前溫服

附子湯

出活人書一名大附子當歸散

治陰毒傷寒為病手足冷腰背

強頭疼腹痛或煩渴精神恍惚額與手背時出冷汗  
聲鄭重爪甲唇面色青黑多因脾腎虛虛寒伏陰重  
感於寒所致或因服冷藥過多心腹脹滿昏不知人  
婦女血室痼冷沉寒赤白崩漏臍腹疔痛一切陰盛

陽虛並宜服之

附子

炮製去皮  
臍三分

桂皮

當歸

白朮

各半

半夏

七通  
去滑 乾薑

炮各  
一分

右剉如麻豆大每服三錢取水一盞入生薑三片煎至六分去滓熱服不拘時衣覆取汗如人行十里未汗再服

定命湯

出聖濟  
總錄

治陰毒傷寒目赤唇焦頭疼煩渴面色

赫赤而身惡寒

附子

炮製去皮  
臍二兩

高良薑

白朮

乾薑

炮各  
一兩

右剉如麻豆大每服三錢須用水一盞煎至五分去滓不計時候溫服未服藥前先飲酒使醺醺後服藥如思食即與酒粥喫不得妄食他物若小便出血是陰毒去矣

桂附湯

出聖濟  
總錄

治陰毒傷寒

桂

去麁皮  
一分

附子

去皮臍生  
用半兩

丁香

吳茱萸

湯淘三  
遍焙乾

炒各  
半分

右剉如豆麻大每服二錢用水一盞入生薑半分拍碎同煎至七分溫服

回陽散 出聖濟總錄 治陰毒傷寒

硫黃 一兩 寒水石 三分 硝石 兩半

右入砂瓶子內盛以瓦蓋瓶口通用黃泥固濟陰乾用炭火五觔燉令火盡研如粉每服一錢用溫水調

下

黑神散 出聖濟總錄 治陰毒傷寒

附子 三兩去皮臍 麻黃 去節 桂 去麋皮

右搗羅為細散每服二錢用蜜湯調下

來蘇丹 出聖濟總錄 治陰毒傷寒面青手足冷身如被擊

太陰元精石 硫黃 消石 白礬 水銀 各一分

右同研令水銀不見星入瓷盒子內燒通赤粟米飯和丸如小豆大每服三丸溫水下

四逆散 出聖濟總錄 治傷寒陰毒手足厥身冷脈細

太陰元精石 三分 硫黃 兩 不灰木 盆硝 各一分

右研為細末入在銚子內以蓋子蓋周回用濕紙閉縫安火上紙乾為度取出細研入龍腦半錢乾薑末半兩拌勻每服半錢用冷艾湯調下肌體煖是驗一方去不灰木加附子

退陰湯

出活人書

治陰毒傷寒手足厥面多青腹中疔痛兼

治陰毒欬逆等疾

烏頭

炮製去皮臍

乾薑

炮各半兩

右麤搗篩炒令轉色放冷每服二錢用水一盞鹽一

捻煎至半盞去滓溫服一方云脈沈細頭痛腰重小傷冷每服一字入正元散同煎入鹽一捻陰毒證

欬逆煎一服細細熱押之便止

還陽湯 治傷寒陰毒四肢厥冷時有汗

不灰木

一兩延胡索

半兩太陰元精石

一分

右麤搗篩每服二錢用水一盞蔥白一寸同煎至六分去滓不計時溫服

退陰丸 治傷寒伏陰手足厥冷肌膚不熱

硫黃生半筋 太陰元精石煨三兩

右用柳椎細研為末水浸炊餅為丸如梧桐子大每服五十九煎艾湯下

夜光丹 治傷寒陰毒四肢逆冷面青胸膈不利嘔噦

虛煩

硫黃研 太陰元精石研 硝石研各一兩 附子炮製去皮臍者一兩

生去皮者半兩

右先將元精消石二味於鐵銚子中慢火熬候勻熱

以匙於中心隱作坑子內硫黃候鎔攪勻放冷研細別搗羅生附子為細末入研者藥合研勻以軟爛粳米飯和丸如梧桐子大每服五丸冷艾湯下

附子回陽散 治陰毒傷寒面青四肢厥逆及臍腹疔

痛身體如冰并癩一切卒暴冷氣

用附子二枚炮製去皮臍搗為細散每服三錢一取生薑自然汁半盞冷酒攪勻共一盞調服更以冷清酒一盞送下相次更進一服良久臍下如火徧身和

煖為度

太陽丸 治傷寒陰毒四肢厥逆脈息微細

硫黃研附子炮製去皮 臍各一兩

右搗羅為末酒煮麩糊為丸如梧桐子大每服十九至十五丸煎艾鹽湯下不計時候

回陽煮散 治陰毒傷寒四肢厥冷脈候微細心胸痞

悶

天南星二兩酒浸七日取出剉炒令黃附子炮製去皮 臍一兩

右搗羅為散每服二錢用酒二盞半同煎至六分溫服不計時候

定命丸 治陰毒傷寒

硫黃研吳茱萸湯浸焙乾 炒搗為末硝石研各一兩巴豆去心皮 膜半分

右一處研令勻軟飯和丸如彈子大每服先以椒煎湯浸手良久男左女右執之一丸汗出即差婦女妊娠傷寒並宜使

吳茱萸湯 治傷寒陰毒

吳茱萸

湯洗炒乾一兩

白附子

天南星

柴胡

去苗鼈甲

去裙襖醋煮

前胡

去蘆頭

細辛

去苗葉

羌活

去蘆頭

黃耆

剉乾

薑炮

枳殼

去穰麩炒

陳橘皮

湯浸去白焙

赤芍藥

厚朴

去麩

皮生汁炙

白檀

五味子

桔梗

各半兩

蒼朮

米泔浸一宿去皮

莎草根

當歸

切焙

芎藭

麻黃

去根節湯煮掠去沫各一兩

甘

草

灸一兩半

右剉碎入淨鍋內慢火炒令黃再麩搗篩每服三錢用水一盞生薑三片同煎至七分去滓溫服不拘時

候

順元煮散

治傷寒陰盛裏寒脈細手足厥冷

烏頭

炮製去皮臍二兩

附子

炮製去皮臍

天南星

炮製去皮臍各一兩

木

香

兩半

右搗羅為散每服一錢用水一盞煎至六分溫服大體此散能溫衰脈遲細沈伏手足冷毛髮恟慄傷寒裏證之類大噉三兩盃當手足溫或汗乃愈今世醫多用此散和一切氣通利血絡人病脾瘧用紫金丸

逐下仍服此散紫金丸用硫黃銕砂各三錢 鐵粉  
五錢 膩粉五錢 粟米飯丸如皂莢子大每服一  
丸乳香湯下氣實服一九半至二九

蔥薤湯 治陰毒傷寒出汗

蔥白 薤白 荊芥穗 竹茹 各一握 豉 去皮半升 生薑

一分蜀椒 去目并閉口炒 出汗四十九粒

右哎咀如麻豆大每服五錢用酒二盞煎十數沸去  
滓又別取此藥二十錢一以沸湯一升沃之候通手

淋背上了即服前藥酒蓋覆出汗仍煮蔥薤粥投之  
汗即出瘥

附子湯 治陰毒傷寒頭痛眼疼心中悶亂身體沉重  
四肢俱冷精神恍惚脈候沈細欲得冷水飲之必危

附子 炮製去皮 桂 去麁皮 當歸 切焙 乾薑 炮製 麻

黃 去節先煎掠去 沫焙乾半兩

右麁搗篩每服五錢一以水一盞半煎至七分去滓  
空心頓服以衣覆如人行五里再一服少頃生薑煮

熱稀粥投身體四肢自然汗出須臾頭輕目明婦人病加赤芍藥半兩神効

回生神膏

出濟生拔粹

治男女陰毒傷寒外接法

牡礪

煨粉

乾薑

炮製各一錢

右為細末男病用女唾調手內擦熱緊掩二卵上得汗出愈女病用男唾調手內擦熱緊掩二乳上得汗出愈卵與乳男女之根祇坎離之分也陰證大小便不通及諸雜病陰候大小便不通者並宜此外法治

數日不通為疾非急勿用

治陰毒喫逆方

川烏頭

乾薑

附子

已上俱炮

肉桂

甘草

炙芍藥

半夏

吳茱萸

陳皮

大黃

右各等分為末每服一錢水一盞生薑三五片煎至七分去濁滓取清熱服

玉女散

出十便良方

治陰毒氣攻上腹痛四肢逆冷惡候並

治之

用川烏去皮臍冷水浸七日後薄切曝乾紙裹盛有  
患者取研末一大錢入鹽一小錢水一盞半煎至七  
分通口服壓下陰毒所往處猪血相似未已良久再  
進一服

還陽散

出十便良方

治陰毒面色青四肢厥冷心躁腹痛一

用硫黃末新汲水調下二錢良久或寒一起或熱一  
起更看緊慢再服汗出差

陰毒甘草湯

出千金方

治傷寒初病一二日便結成陰毒身

重背強腹中絞痛咽喉不利毒氣攻心心下堅強短  
氣不得息嘔逆唇青面黑四肢厥冷其脈沈細緊數  
仲景云此陰毒之候身如被打五六日可治七日不  
可治也

甘草

升麻

各半兩

當歸

蜀椒

各六錢

鼈甲

一兩

右咬咀以水五升煮取二升半分三服如人行五里  
須臾進一服溫覆發汗毒當從汗出則愈若不汗出  
則不除重作服仲景方云去蜀椒

返陰丹

出活人書

治陰毒傷寒心神煩躁頭痛四肢逆冷面

青腹脹脈沈者

硫黃

通明五兩別研

消石

別研

太陰元精石

各二兩別研

乾薑

炮

桂心

各半兩

附子

炮半兩

右用鐵鈔先鋪元精次下消末各一半中間鋪硫黃末又將二兩餘末蓋以上小盞合著熟炭火三斤燒令得所勿令煙出急取瓦盆合著地上四面灰蓋勿令煙出候取出研細入後藥為末同研勻米糊丸如

梧桐子大每服二三丸煎艾湯下頓服汗出為度未退乃大著艾炷灸臍下丹田氣血海更不退則以葱啗熨之

葱啗熨法

出活人書

治虛氣腸脫體冷無脈氣息欲絕不省

人事及傷寒陰厥用藥不効者

用葱一束以索纏如餅餡大去根葉唯存白長二寸許先以火煨一面令通熟勿至灼人萬以熱處著病人臍下上以熨斗盛火熨之令葱餅熱氣透入腹中

更作三四餅遇一餅壞不可熨即易一餅候病醒手足温有汗乃差更服四逆湯以温其利昔曾有患傷寒冥冥不知人四體堅冷如石藥不可入用此遂差一方用醞醋拌麩炒熱注布袋中蒸熨比上法尤佳

治陰毒傷寒破傷風 出神 効方

草烏 七箇文武火燒熱去蘆頭 麝香 半錢 硃砂 一錢

右為細末每服一字以熱酒調下食前服之汗出為

度忌猪兔魚鼈粘麋肉

治陰毒傷寒 出神 効方

用芥末新水調膏藥貼臍上汗為効

又方 出神 効方

牡礪 乾薑 各等分

右為末新水調塗手心握外腎汗出為度

治陰毒傷寒 出儒門 事親

用煮百合濃汁服一升良

治陰毒傷寒

用烏藥子一合炒令黑煙起投於水中煎取三五沸服一大盞候汗出回陽立差

代灸陰臍膏

出濟生拔粹

病者因飲酪水及食生物下利紫黑血十餘行肥胃受寒溫毒與六神平胃散半兩加白朮三錢以利腰臍間血一服愈潔古云煩滿囊縮可灸陽陵泉在膝下一寸外腓是也陰病在內活人定以返陽丹當歸四逆湯及加吳茱萸生薑湯又以

臍下一寸灸之以臍下各四邊一寸三處齊灸之極則二寸石門急灸之仍與前藥予恐不任藥與灸者別立代灸法

附子 馬藺子 蛇床子 木香 吳茱萸 肉桂

右各等分為細末可用白黏一匙藥末一匙或用各半匙生薑自然汁煨成膏攤紙上圓三寸許貼臍下關元氣海自晚至曉火力可代灸百壯腰痛亦用貼

之

破陰丹 治頃年鄉人李信道得疾六脈沈不見深按至骨則弱緊有力頭疼身溫煩躁指末背冷中滿惡心更兩醫矣醫者不失止供調氣藥予因診視曰此陰中伏陽也仲景法中無此證也人患此者若有熱藥以助之則為陰邪隔絕不能導引真陽返生客熱用冷藥則所伏真火愈見消鏹須用破散陰邪導達真火之藥使火升水降然後得汗而解予授此藥二

百粒作一服冷鹽湯下不半時煩躁狂熱手足燥擾其家大驚予曰俗所謂換陽也須臾稍定略睡已中汗自昏達旦方止身涼而病除

硫黃

水銀

各一兩

陳皮

青皮

去白各半兩末

右先將硫黃銚子內鎔次下水銀用鐵杖子打勻令無星傾入黑茶盞內研細入二味勻研同厚麪糊丸如梧桐子大每服三十九如煩躁冷鹽湯下陰證冷艾湯下

霹靂散

出濟生拔粹方

治陰勝隔陽傷寒其人必躁熱而不欲

飲水者是

用附子一枚燒為灰存性為末蜜水調下為一服而愈此逼散寒氣然後熱氣上行而汗出乃愈

又方

出肘後方

治陰毒傷寒口鼻冷者乾薑桂各一分溫酒

三合服之當大熱差凡陰陽二毒不但初得便爾或一二日變作者皆以令藥治之得此病多死治熱不解而下痢困篤欲死者服此大青湯方

大青

四兩

甘草

三兩

膠

二兩

豉

八合

赤石脂

三兩

右以水一斗煮取三升分三服盡更作日夜兩劑愈

又方

出肘後方

用梔子十四枚薤白一把水五升煮取三升半分為

三服

又方

出肘後方

用龍骨半斤搗碎以水一斗煮取五升使極冷稍稍飲其間或得汗即愈矣

又方 出肘後方

用黃連二兩熟艾如鴨卵大以水二升煮取一升頓服立止天行諸痢悉主之

又方 出肘後方 天行諸痢悉主之

黃連 三兩 黃蘗 當歸 龍骨 各二兩

右以水六升煮取二升去滓入蜜七合又火煎取一升半分為三服効

又方 治陰毒傷寒及重感冒風寒頭疼拘急

用口嚼生薑一大塊用二三錢熱酒調服一大盞涎

吐汗出即愈

又方 治陰證

用黑豆一合炒焦酒浸熱飲一椀豆不用被蓋汗出愈

老君神白散 出余居士送奇方 治傷寒陰證

白朮 附子 各二兩 桔梗 細辛 甘草 各一兩

右為細末白湯點服

陰毒熏法出活人書治陰毒逆冷囊縮者

用大豆三升炒令極熱先以淨盆桶內置熱醋三升旋扶病人坐桶上熏少時却以熱豆傾桶中熏之有頃囊下却以陰證藥服之

回陽丹出衛生寶鑑治陰毒傷寒手足厥冷

牡礪燒 不灰木燒 良薑切 川烏頭炮 白芍藥各二錢

麝香少許

右為細末每用一錢男病女唾津調塗外腎女病男

唾津調塗乳上

手陽丹出衛生寶鑑治陰毒傷寒手足厥冷指甲青色體冷

脈沈細而微神効

右用蔥蔥四五枝陳蜂窠四五箇燒存性為末用蔥蔥搗如泥丸如桐子大手心內握定用手帕緊擊定須臾汗出以綿被覆蓋如手心熱甚休教解開如服藥時先服升麻湯五錢出子連鬚蔥三枝生薑五片水二大盞煎至一盞去滓溫服以被覆之汗出愈

海藏已寒丸

出濟生  
拔粹方

治陰證服四逆背胸中發躁而煩

渴者或數日大便秘小便澁赤服此上不躁大小便

自利

肉桂

茯苓

各五錢

良薑

烏頭

炮各七錢

附子

炮

乾薑

炮芍藥

茴香

炮各一兩

右為細末糊為丸桐子大溫酒下空腹食前五七十

丸八九十九亦得酒醋為糊俱可

麻黃升麻湯

出濟生  
拔粹方

治傷寒陰結不大便六七日大下

之結去脈當浮則愈及寸脈沈而遲手足厥冷寸脈  
沈而遲者少陰本脈故主咽喉不利唾膿血四肢厥  
者為厥陰利不止為太陰為難治溫之則咽痛不可  
溫也

麻黃

二兩

升麻

當歸

各一兩一分

知母

三分

麥門冬

一分  
去心

黃芩

三分

乾薑

芍藥

桔梗

石膏

茯苓

甘

草

白朮

各一分

右以咀每服五錢水煎相次一服汗出止

一法出濟生治陰證諸藥不効并湯水不下身冷脈厥

氣息不知人

丁香 萆撥 乾薑 牡礪各等分

用手心中以唾津調如泥以手掩其陰至煖汗出為

度

溫內玉抱肚生衛生治陰毒傷寒

川烏 細辛 良薑 天仙子 肉桂 牡礪

胡椒 乾薑各等分

右為細末醋糊調塗臍下以綿覆之

破棺丹出華陀中治厥陰面目俱青心下硬四肢冷脈

細而欲絕

硫黃一兩酒硃砂一兩

右為末酒糊圓雞頭大入室中勿令人知同病人掘

一坑深一尺入粟稈火燒坑子極熱醋五升沃令氣

出衣被鋪坑以酒化一圓服之後令病人坑上卧少

時汗出愈

治傷寒陰證脫陽或因大吐大瀉之後四肢逆冷元氣不接不醒人事或傷寒新瘥懼與婦女交其證小腹緊痛外腎搐縮面黑氣喘冷汗自出亦是脫陽證須臾不治即不效 出衛生家寶方

蔥白 炒令熱熨 附子 白朮 半兩 乾薑 半兩 木香 一錢

右剉碎用水兩碗煎至八分去滓放冷灌與服須臾又進一服兩服滓再作一服如無前件藥只用單方用桂皮二兩好酒二升煎至一升候溫分作二服灌

與如無桂皮只用連鬚蔥白三七莖細剉就砂盆中研細用酒五升煮至二升分作三服灌陽氣即回先更用炒鹽熨臍下海之所勿令氣冷為妙

治陰毒傷寒煩躁迷悶不治悟人急者 出本草

用大附子一箇可半兩者立劈作四片生薑一大塊立劈作五片如中指長糯米一撮三味以水一升煎取六合去滓如人體溫頓服厚衣覆之或汗出或不出候心神定即別服水解散太白通關散之類不得

與冷水如渴更將滓煎與服令人多用有效故詳著之

陽毒論

夫陽氣獨盛陰氣暴衰陰為陽所勝內外皆陽故為陽毒傷寒有初得病便成陽毒者有服湯藥經五六日以上不瘥變成陽毒者以病本屬陽或以火劫發其汗或因灸熇陽氣轉盛陰氣內消所致其候面赤發躁狂走妄言發斑如錦文咽喉痛疼涕唾膿血或不利黃赤其

脈洪實滑促是也歌括陽毒已深脈洪大內外結熱舌卷焦黑鼻中如煙煤宜用水漬法傷寒一二日便成陽毒或服藥吐下後變成陽毒身重腰背痛煩悶不安狂言或走或見鬼或吐血下利赤黃其脈浮大而數面赤斑斑如錦文咽喉疼痛唾膿血五六日可治至七日不可治陽毒升麻湯主之咽痛玄參升麻湯甚者或有踰垣上屋陽毒脈弦洪促數身熱無汗陽毒升麻湯葶藶苦酒湯即醋大黃湯梔子仁湯黑奴丸太乙牛黃膏用

竹葉湯調下或研生地龍大者三條入生薑汁薄荷汁生蜜腦子各少許新汲水調灌下可選用之令陰氣復而大汗解矣陽毒大熱煩渴讖語赤斑衄血不止白虎湯一服效陽毒已深脈洪大內外結熱舌卷黑鼻中如煙煤用新汲水浸濕布數重搭於腦上續又換新水浸布漬冷熱勢纔減已之本事方灸結胸已豆肉七粒黃連七寸搗細津唾調膏安於臍艾灸其上不拘壯數以腹中有聲為效灸畢即以湯蘸軟帛拭之恐成瘡爛此

方與集驗神功散一同陰陽二毒但有微氣者皆可灸臍間有聲即得汗解尚藥孫用和破結丹治陰陽伏逆變為結胸五六日大便結攻之不及達之不可以此主之用錦辰砂銀青礞石北亭脂肉苳蔻木香官桂牽牛黑附炮巴豆不去油各半兩輕粉麝香半錢金五箇右件將法醋半升八味硃砂附子牽牛三味熬成膏次入餘藥打和得所丸如皂子大輕粉衣每服二丸蜜湯調下陽證如陰冷四肢滑沉尿赤大便稀面紅煩躁身微

熱陰證如陽沉更微陰極發躁熱極發厥物及則反也  
重陽必陰重陰必陽寒暑之變也四肢冷小便赤大便  
秘或糞色黑眼開言動脈沈而滑謂之陽證似陰面赤  
煩躁身有微熱眼閉發熱脈沈而微謂之陰證似陽欲  
知的定當推原反本察色聽聲辨以六經參以外證徐  
徐焉據脈驗之數熱遲寒陰陽別矣陽之體輕陰之體  
重陰家脈重陽家脈輕陽盛且靜陰盛夜寧陽虛暮亂  
陰虛夜爭陽證似陰白虎湯熱極生寒則四肢逆冷或

用承氣湯陰證似陽四逆湯加蔥白主之陰盛則躁下  
虛則面赤裏寒則身微熱也陽盛隔陽脈細沈矣身冷  
大煩躁嗜卧泥水之中欲飲水而不欲入口者是飲水  
者非可以服霹靂散少焰散丹砂丸亦効孫用和以半  
兩黑附子一枚燒存性候冷為末入真鴈茶一大錢調  
和為二服每服水一盞蜜半匙煎六分冷服燥止得睡  
汗出皆藥之驗也陰證太陽陽明少陽皆屬陽證也太  
陽者膀胱也發熱惡寒頭痛腰疼而脈浮也陽明者胃

也不惡寒反惡熱濺濺汗出大便秘潮熱而脈長也少  
 陽者膽也口苦咽乾脅下滿發熱而嘔或往來寒熱而  
 脈弦也麻黃湯大青龍湯桂枝湯治太陽經傷風寒也  
 木柴胡湯調胃承氣湯小承氣湯大承氣湯治陽明傷寒  
 也小柴胡湯治少陽傷寒也其它藥皆發汗吐下後證  
 也若陽氣獨盛陰氣暴絕即為陽毒必發躁狂走妄言  
 面赤咽痛身斑斑如錦文或下利赤黃脈洪實或滑促  
 當以酸苦之藥令陰復而大汗解矣古人云酸苦湧泄

為陰謂苦參大青葶藶苦酒之類能復其陰氣也微用  
 苦甚兼用酸苦折熱後陰若熱極發厥陽證似陰學者  
 以脈別之

方

升麻散 治傷寒一日便成傷毒或服藥發汗吐下之  
 後毒氣不解身皆強煩悶狂言或走或見鬼神面赤  
 斑斑狀如錦文咽喉痛及下膿血

- 川升麻 射干 各一兩
- 當歸 劉微炒
- 犀角屑
- 甘草 炙

赤劉各半兩 黃芩 黃連去鬚 地骨皮各三分

右搗篩為散每服四錢以水一鍾盞煎至六分去滓

不計時候溫服

麥門冬散 治陽毒傷寒身體痛疼頭面如火胸心熱

而渴小便赤黃不得睡卧宜服

麥門冬去心焙 葛根劉 柴胡去苗 赤芍藥 知母 馬

牙硝各一兩 子芥 元參 甘草炙微赤劉 川升麻

犀角屑各半兩

右搗羅為散每服四錢以水一鍾煎至六分去滓不

計時候溫服

犀角散 治陽毒傷寒狂言亂走面赤斑斑咽喉乾痛

心胸煩滿四肢拘急小便赤黃

犀角屑 甘草炙微赤劉 射干 川大黃劉碎 黃

芩各三分 柴胡去苗 川升麻 川芎硝 麥門冬去心焙

一兩

右搗羅為散每服四錢以水一鍾盞入淡竹葉三七

片小麥五十粒煎至六分去滓不計時候溫服

石膏散 治陽毒傷寒熱壯頭痛肢體煩重口乾心躁

石膏一兩知母兩柴胡去苗麻黃去根甘草炙微赤炒黃芩

赤芍藥 防風去蘆頭赤茯苓 川升麻 甘菊花

右搗篩為散每服四錢以水一中盞入生薑半分蔥

白七寸豆豉一百粒煎六分去滓不拘時候溫服

大黃散出活人書治陽毒傷寒未解熱結在內恍惚如狂者

川大黃一兩半剉碎微炒桂心三分川芒硝二兩甘草炙微赤炒木

通剉大腹皮剉各一兩桃仁二十枚湯浸去皮尖雙入麩炒微黃

右搗羅為散每服四錢以水一鍾盞煎至六分去滓

不計時候服以通為度

地骨皮散出聖惠方治陽毒傷寒頭昏身重咽喉唇乾腮赤

狂言欲走心胸脹滿嘔逆不下飲食面色斑斑如錦文

柴胡一兩去苗地骨皮 木香 麻黃去節甘草炙微赤炒

川升麻 蘇蘇根 人參去蘆頭赤茯苓 木通剉

上各半兩

右搗羅為散每服四錢以水一鍾煎至六分去滓不

計時候溫服

柴胡散

名梔子仁湯出活人書

治陽毒傷寒壯熱百節疼痛

柴胡

一兩半去苗

川升麻

黃芩

石膏

杏仁

湯浸去皮

尖雙人麩炒微黃色已上各三兩

赤芍藥

大青

知母

梔子

仁各一兩

甘草

右搗羅為散每服四錢以水一鍾盞入生薑半分豉

一百粒煎至六分去滓不計時候

桂枝麻黃散

出聖惠方

治陽毒傷寒項背汗出急強惡風

桂枝

麻黃去根節

甘草

炙微赤剉

赤芍藥

葛根

杏

仁

湯浸去皮尖雙人麩炒微黃各一兩

右搗篩為散每服四錢以水一鍾盞入生薑半分煎

至六分去滓不計時候熱服衣覆取汗如人行十里

未有汗再服良久以蔥白豉粥投之

白虎湯

出三因方

治陽毒傷寒服桂枝湯大汗出後大渴煩

燥不解脈洪大者

知母

甘草 炙微赤剉 各一兩

石膏

二兩 搗碎

粳米

一合

右細剉以水二大盞煮米熟為度去滓不計時候溫

三服

治陽毒傷寒四肢壯熱心膈煩燥嘔吐不止宜服此方

出聖 惠方

柴胡

去苗

黃芩

人參

甘草

炙微赤剉

麥門冬

去心 焙 各一兩

半夏

半兩湯浸七遍洗去滑

右搗羅為散每服四錢水一鍾盞入竹葉三七片生

薑半分煎至六分去滓不計時候溫服

蘇蘆散

出聖 惠方

治陽毒傷寒五六日已上俱胸中煩熱乾

嘔

蘇蘆

柴胡

去苗

知母

黃芩

甘草

炙微赤剉 各一兩半

蘆

根

二兩 剉

右搗羅為散每服四錢以水一中盞入生薑半分煎至六分去滓不計時候溫服

甘草散出聖惠方治陽毒傷寒脈洪大心中悸壯宜服

甘草炙微赤剉 桂心 茯神 人參去蘆頭 阿膠搗碎炒令黃燥

麥門冬去心已上各一兩 生乾地黄 麻黃去根節各二兩

右搗篩為散每服四錢以水一中盞入生薑半分煎至六分去滓不計時候溫服

黃芩散出聖惠方治陽毒傷寒氣盛昏昏如醉熱躁煩渴口

苦舌乾

黃芩 川升麻 柴胡去苗各一兩 石膏二兩 赤芍藥

麥門冬去心 甘草炙微赤剉各半兩

右搗篩為散每服四錢以水一鍾盞煎至六分去滓不計時候溫服

牛黃丸出聖惠方治陽毒傷寒心躁煩悶恍惚如狂結熱不

散

牛黃細研 天竺黃細研 防風去蘆頭 真珠細研已上各半兩 龍腦

甘草炙微赤剉各一兩 麝香一錢細研 犀角屑 羚羊角屑

朱砂細研飛過 黃芩 川升麻各一兩

右搗羅為末入前研了藥更研令勻以煉蜜和搗三  
二百杵丸如梧桐子大每服不計時候以溫水嚼下  
十五丸

治陽毒傷寒煩熱大便不通

川大黃

一兩判  
碎微炒

川芒硝

兩半

右搗篩以水一大盞煎至七分去滓不計時候分溫  
二服如人行五七里再服當利下惡物

治陽毒傷寒毒氣在臍狂言妄語欲走起者宜服此方

龍膽

一兩去  
蘆頭

鐵粉

二兩

右件藥搗細羅為散每服不計時候以磨刀水調下  
一錢

升麻湯

出活  
人書

治傷寒一二日便成陽毒或服藥吐下之

後變成陽毒腰痛煩悶不安面赤狂言或走見鬼  
或下利脈浮大數面赤斑紋如錦咽喉痛出膿血五  
日可治七日不可治

升麻

犀角

鎊

射干

黃芩

去黑  
皮

人參

甘草

炙

各一分

右六味剉如麻豆大每服五錢用水一盞半煎至八分去滓溫服食頃再服溫覆出汗未汗再服甚者大承氣湯除厚朴加木通甘草大腹皮桃仁各一兩以利為効

瀉心湯出聖濟總錄

治陽毒傷寒頭痛壯熱狂言妄語以見

鬼神

石膏一兩芍藥 葛根剉 黃芩去黑心各半兩 大黃 黃連

去鬚各三分

右搗篩每服五錢用水一盞半生薑一棗大拍碎煎至八分去滓溫服日二不拘時

升麻湯出聖濟總錄

治陽毒傷寒腰背疼痛煩悶面赤狂言

妄走或見鬼下利無常赤斑如錦文咽喉痛唾膿血

升麻 雄黃醋煮研各半兩 當歸切焙 桂去麁皮各一兩 甘草炙剉二分

鼈甲醋炙去裙襖一兩

右鹿搗篩每服五錢用水一盞半煎至八分去滓溫服日二不拘時候

大青湯 出聖濟總錄 治陽毒傷寒煩躁不解或下利危困

大青 二兩 秦芫 去苗一兩 犀角 鎊 山梔子仁 甘草 炙 黃

連 去鬚各半兩

右鹿搗篩每服五錢用水盞半豉一百粒薤白七寸八分去滓食前溫服

解陽湯 出聖濟總錄 治陽毒傷寒口舌乾燥

麻黃 去根節 人參 赤茯苓 去黑皮 桂 去麋皮 麥門冬

去心 葛根 剉各三分 杏仁 湯浸去皮尖 甘草 炙剉各

右鹿搗篩每服五錢用水一盞半生薑一棗大拍碎煎至八分去滓溫服不拘時

五解湯 出聖濟總錄 治陽毒傷寒發熱煩躁

山梔子仁 黃芩 去黑皮 甘草 炙 大黃 剉醋炒 朴硝

二錢

右鹿搗篩每服五錢用水一盞半煎至八分去滓空

心溫服

犀角湯 出聖濟總錄

治陽毒傷寒初得身體大熱眼赤小便

黃心悶頭疼煩渴不止四肢痠痛心中悶絕言語錯

亂睡中多驚

犀角 鎊一兩

人參 三分

赤茯苓 去黑皮

茵陳蒿

細辛 去苗

葉陳橘皮 湯浸去白炒

麻黃 去根節

甘草 炙剉各半兩

右麩搗篩每服五錢用水一盞半生薑一棗大拍碎

煎至八分去滓溫服

葛根湯 出聖濟總錄

治陽毒傷寒頭痛壯熱未解身體疼痛

葛根 剉

龍膽

大青 各三分

桂皮 去麩皮

萎蕤

芍藥

黃芩 去黑心

升麻

石膏 碎

麻黃 去根節

甘草 炙剉各半兩

右麩搗篩每服五錢用水一盞半生薑一棗大拍碎

煎至八分去滓不拘時候溫服

葛根散 出聖濟總錄

治陽毒傷寒身熱如火頭疼躁渴咽喉

乾痛

葛根 剉三分

山梔子仁

黃芩 去黑心

大黃 剉醋炒

甘草

灸判各半兩 朴硝一兩

右搗篩羅為散每服二錢半不拘時溫服熱水調下

秦芫湯 出聖濟總錄 治陽毒傷寒心躁悶亂煩熱狂語口乾

不止

秦芫 去苗土 黃芩 去黑心 甘草 灸判 木通 枳殼 去穰麩炒 元

參 各半兩 芍藥 桔梗 炒 吳藍 山梔子仁 各半分 枇

杷葉 三分拭去毛薑汁灸

右麈搗篩羅每服五錢 水一盞半煎至八分去滓

溫服不拘時候

清涼散 出聖濟總錄 治陽毒傷寒口乾煩躁大渴發汗

葛根 判二兩 大黃 判炒 黃芩 去黑心 朴硝 麻黃 去根節 甘

草 灸判各一兩 桂 去麈皮三分

右搗羅為散每服二錢用新汲水調下

琥珀丸 出聖濟總錄 治陽毒傷寒六七日間服熱藥過度致

使陽氣內伏身體微熱眼目爪甲盡黃心下鞭痛語

澀舌乾昏躁

琥珀研一分 黃連去鬚 黃蘗去麁皮 大黃煨剉各半兩 巴豆去皮

心焙出油 取霜二錢

右搗羅四味為細末與巴豆霜拌勻煮薄麩糊為丸如棗豆大每服一丸柳枝湯下不拘時

妙應湯出聖濟總錄 治陽毒傷寒偏身壯熱大喘上氣躁悶

甘草剉 人參 赤茯苓去黑皮 大黃剉 山梔子去皮

麻黃去根節各半兩 陳橘皮炒 木香各一分

右麁搗篩每服三錢用水一盞入蜜一匙生薑汁少

許煎至八分去滓冷服不拘時

鐵粉散出聖濟總錄 治陽毒傷寒發狂走者

鐵粉 朴硝各一兩 天竺黃半兩 龍腦一分

右四味研勻令細每服二錢用雞清水調下不拘時

水漬法出活人書 治陽毒盛內外結熱煩躁

以新汲水漬壘布數重搭於胸上須臾蒸熱再浸再搭數換新水浸之此良法也

治陽毒傷寒壯熱頭痛心神煩躁利胸膈出肘後方

用生瓜菜搗取自然汁飲之葉生搗貼腫毒

升麻湯 治傷寒一二日便成陰毒或服藥吐下之後

變成陰毒身重腰背疼痛煩悶不安狂言或走或見

鬼神或吐血下利其脈浮大數面赤斑斑如錦文咽

喉痛唾膿血五日可療至七日不可療也宜服升麻

湯肘後陽毒升麻湯治證同無梔子鼈甲

升麻二分當歸二分蜀椒出汗一分雄黃研梔子各桂心一

分甘草三分鼈甲大如手一片

右件藥切以水五升煮取二升半分三服如人行五

里久再服溫覆手足毒出則汗汗出則解不解重作

服亦取得吐佳陰毒去雄黃忌海藻菘菜生蔥莧菜

張仲景方無梔子桂心陰毒去雄黃蜀椒

治陽毒傷寒昏憤不知藥食隔斷者出經驗良方

將早晚白米用新汲水爛研作漿頻頻灌之能解諸

毒續穀氣

陽毒梔子湯一名梔子仁湯治陽毒傷寒壯熱百節疼

出濟生拔粹方

痛

升麻 梔子仁 黃芩 芍藥 石膏 知母

甘草 杏仁 芫胡 各等分

右為麤末每服五錢生薑五片豉百粒水煎服一方

有大青

治陽毒傷寒面赤頭痛身上熱如火心神躁眼赤睛逆  
露頭目昏眩項背強直坐卧不安大腹秘熱脈氣洪  
大

麻黃 去根 杏仁 去皮尖 山梔 黃芩 芫胡 前胡 各去毛

大黃 白朮 桔梗 通草 羌活 秦膠

乾葛 牡丹皮 荆芥穗 各一分 牽牛 半夏 四銖

黃連 細辛 各二錢

右搗羅為末每服五錢匕水一碗生薑三片蔥三枝

同煎一兩沸食後執服

治陽厥發狂將成疸

大黃 四兩濕紙裹 大青 一兩 梔子 一兩 甘草 一兩

右水五升煎至二升內外須五合再發去一升分四

服量虛實與之

治陽毒人冒下血頻疼痛不可忍

用鬱金五箇大者牛黃一皂莢子別研細二味同  
為散每服用醋漿水一盞同煎三沸溫服

普濟方卷一百三十五

總校官候補知府臣葉佩蓀

校對官編修臣張九鐔

謄錄監生臣張永技